



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-2167 /23
Datum: 28.03.2023. godine

Na osnovu člana 23. stav (3) tačka h) i 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 18. stav (1), člana 14. stav (4) i člana 25., a u vezi sa članom 32. stav (1) Zakona o javnim nabavkama („Službeni glasnik Bosne i Hercegovine”, broj 39/14 i 59/22) zamjenik policijskog komesara Uprave policije Ministarstva unutrašnjih poslova Kantona Sarajevo, d o n o s i:

O D L U K U

I

Određuje se pokretanje postupka sukcesivne nabavke usluga kolektivnog osiguranja zaposlenika, za potrebe Uprave policije Ministarstva unutrašnjih poslova Kantona Sarajevo.
Za postupak predmetne javne nabavke predviđeno je potpisivanje Okvirnog sporazuma sa jednim dobavljačem, na period od 24 mjeseca.

II

Procjenjena vrijednost nabavke iznosi 229.000,00 KM bez PDV-a.

III

Novčana sredstva za plaćanje nabavke osiguravaju se iz Budžeta Kantona Sarajevo, na osnovu Odluke Skupštine Kantona Sarajevo o privremenom finansiranju potreba Kantona Sarajevo za period od 01.01.2023. godine do 31.03.2023. godine („Službene novine KS”, broj: 52/22), razdjel 17 – MUP, glava 02 – Uprava policije, ekonomski kod 613800.

Nabavka je predviđena Privremenim planom nabavki Uprave policije Ministarstva unutrašnjih poslova Kantona Sarajevo broj: 02-11-4-337/23 od 19.01.2023. godine i Izmjenama i dopunama Privremenog plana javnih nabavki Uprave policije Ministarstva unutrašnjih poslova Kantona Sarajevo broj: 02-11-4-337-2/23 od 22.03.2023. godine pod rednim brojem 42.

IV

Postupak javne nabavke će se provesti putem otvorenog postupka u skladu sa Zakonom o javnim nabavkama i podzakonskim aktima.

Za provođenje postupka dodjele ugovora za nabavku usluga iz tačke I ove odluke, posebnim rješenjem će se imenovati Komisija za javnu nabavku.

V

Ova odluka stupa na snagu danom donošenja.

O B R A Z L O Ž E N J E

Pri donošenju Odluke, zamjenik policijskog komesara Uprave policije Ministarstva unutrašnjih poslova Kantona Sarajevo se posebno rukovodio činjenicom da je predložena nabavka planirana Privremenim planom javnih nabavki za period od 01.01.2023. godine do 31.03.2023. godine pod

rednim brojem 42., da je realno procijenjena njena vrijednost na tržištu (u skladu sa rezultatima prethodne provjere tržišta, provedenog prije donošenja privremenog plana javnih nabavki), da su osigurana sredstva za isplatu, te predložena, u skladu sa svim naprijed navedenim, odgovarajuća vrsta postupka.

Predmet nabavke je kolektivno osiguranje zaposlenika, radi se o jednoj vrsti usluge koja pripada kategoriji životnog osiguranja, tržište za predmetne usluge nije ograničeno, uz jednaku mogućnost učešća malih i srednjih privrednih subjekata u postupku javne nabavke, te podjela na lotove, a u smislu člana 16. Zakona o javnim nabavkama BiH („Službeni glasnik BiH“, broj: 39/14 i 59/22) i 23. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“ broj: 27/19, 29/19, 48/19 i 13/20), nije moguća niti svrsishodna i na ovaj način se ne vrši diskriminacija srednjih i malih privrednih subjekata koji su registrovani za promet predmetne robe.

Na osnovu utvrđenog činjeničnog stanja, odlučeno je kao u dispozitivu.

ZAMJENIK POLICIJSKOG KOMESARA
Glavni inspektor

Fatmir Hajdarević

Dostaviti:

1. Sektoru za materijalno finansijske
- ② Odjeljenju za odnose s javnošću, radi objave na web stranici ovog organa
3. a/a